



«Հետաքննող լրագրողներ» հասարակական կազմակերպություն  
Երևան, Բուզանդի 1/3, 8-րդ հարկ, հեռ:(3741) 563363, 580219, 094 40 46 24,  
E-mail: [info@hetq.am](mailto:info@hetq.am), [hetq@hetq.am](mailto:hetq@hetq.am), URL : [www.hetq.am](http://www.hetq.am)

N-h-72-h-4

13.01.2015

ՀՀ կրթության և գիտության նախարար Արմեն Աշոտյանին

Հարգելի պարոն Աշոտյան,

«Հետք»-ը հողված է պատրաստում «Գիտական և գիտատեխնիկական գործունեության պայմանագրային(թեմատիկ) ֆինանսավորման» 2013թ. կազմակերպված երկամյա դրամաշնորհային մրցույթի վերաբերյալ, ինչի համար մեզ անհրաժեշտ է հետևյալ տեղեկատվությունը:

- 1) Ձեր 51-Ա/Ք [հրամանով](#) կազմվել է այս դրամաշնորհային մրցույթի հայտարարությունը: Հրամանի 4.2 կետով սահմանվել. «Մրցույթի պայմաններին բավարարող Հայտերը տրամադրվում են Խորհուրդներին՝ **Կոմիտեի փորձագետների շտեմարանում ընդգրկված փորձագետների** ներգրավմամբ գիտական փորձաքննություն իրականացնելու համար»: **Տեղեկանալու** համար, թե ովքեր են հայտերը գնահատած փորձագետները, մեք դիմել ենք Կոմիտեին, և ստացել պատասխան, որ նրանց անունները գաղտնի տեղեկատվություն են՝ «միջազգային չափանիշների համապատասխան»:  
Մինևս ժամանակ մրցույթի հաստարարությամբ, և մրցույթը կարգավորող հայաստանյան որևէ իրավական ակտով հայտերը գնահատող փորձագետների ցանկը գաղտնի տեղեկատվություն չի համարվում: Խնդրում ենք տեղեկացնել, թե ովքեր են Գիտության պետական կոմիտեի շտեմարանում ընդգրկված փորձագետները:
- 2) Ձեր 51-Ա/Ք [հրամանը](#) կազմվել է՝ համաձայն ՀՀ կառավարության 2001թ. նոյեմբերի 17-ի «Գիտական և գիտատեխնիկական գործունեության պայմանագրային(թեմատիկ) ֆինանսավորման կարգը հաստատելու մասին» 1122-Ն որոշման: Այս որոշման 3-րդ կետով սահմանված է. «Հայտերի գնահատման նպատակով նախարարության կողմից սահմանված կարգով ձևավորվում են մասնագիտական փորձագիտական խորհուրդներ (այսուհետև՝ խորհուրդ): Նախարարության կողմից ընդունվում և խորհուրդներին են տրամադրվում գիտական թեմաների հայտերը (այսուհետև՝ մրցույթի հայտեր): **Խորհուրդները փորձաքննության են ենթարկում, ընտրում գիտական թեմաների հայտերը և դրանք ներկայացնում նախարարություն՝ հաստատման:**  
Կառավարության որոշումը չի նախատեսում, որ հայտերի գնահատմանը պետք է

մասնակցեն Գիտության պետական կոմիտեի շտեմարանում առկա, այն էլ՝  
գաղտնի փորձագետներ: Խնդրում ենք պարզաբանել՝ ինչու է կրթության և  
գիտության նախարարն ընդունել կառավարության որոշմանը հակասող հրաման:

Կանխավ շնորհակալություն,  
«Հետաքննող լրագրողներ» հ/կ-ի նախագահ, «Հետք» թերթի խմբագիր՝



Էդիկ Բաղդասարյան